

Evening Dogri News Bulletin,

24 December 2024

समे-18:15 Hrs

<><><><><><>

Headlines

- प्रधानमंत्री नरेंद्र मोदी होरें अज्ज नमीं दिल्ली च अर्थशास्त्रिणं कन्नै बजट कोला पैहले आहला सलाह सूत्र कीता।
- केंद्री गृह मंत्री अमित शाह होरें अज्ज .. कन्नै त्रै नमें अपराधिक कनूनें दी अमल आवरी बारै इक मीटिंग दी सदारत कीती।
- जन-जातीय मामलें दे मंत्री जावेद राणा होरें नमें मानित वर्गे गी जनजातीय समुदाय दी भलाई बेहतरी आह्लिणं स्कीमें दा लाह पुजाने सरबन्धी प्रस्ताव गी मंजूरी देई दित्ती ऐ।
- मुख सचिव अटल डुल्लू होरें टी.बी मुक्त जम्मू-कश्मीर दा लक्ष्य हासल करने लेई मामलें दा पता लाने, जांच करने च तेजी आहनने ते समुदायिक शमूलियत पर जोर दित्ता ऐ।

- ADGP जम्मू आनंद जैन होरें नौजवानें गी नशाखोरी कोला मुक्त

रेड्यै राश्ट्र निर्माण च योगदान देने दा आह्वान कीता।

<><><><><><>

PM-Economist

प्रधानमंत्री नरेंद्र मोदी होरें अज्ज नमीं दिल्ली च मन्ने-परमन्ने दे अर्थ शास्त्रियें कन्नै बजट कोला पैहलें सलाह मिश्वरे च हिस्सा लैता। केंद्री खजाना मंत्री निर्मला सीतारमण, नीति आयोग दे सीईओ बी.वी आर सुब्रह्मण्यम ते होर कई वरिष्ठ अधिकारियें इस बैठक च हिस्सा लैता। केंद्री बजट 2025-26 आस्तै बजट शा पैहले सलाह मिश्वरा इस म्हीने दी 6 तरीक गी शुरू होआ हा। खजाना मंत्री सीतारमण होरें बक्ख-बक्ख राज्यें दे खजाना मंत्रियें, करसान संघें, अर्थ शास्त्रियें ते लोकें भलेआं लौह्के ते दरम्याने उद्यमियें कन्नै सलाह कीती ही। केंद्री खजाना मंत्री होर औने आहली 1 फरवरी गी लोकसभा च 2025-26 दा बजट पेश करी सकदियां न।

<><><><><><>

HM-NCRB

केंद्री गृह मंत्री अमित शाह होरें अज्ज नमीं दिल्ली च राश्ट्रीय अपराध रिकार्ड ब्यूरो ते त्रऊं नमें आपराधिक कनूनें गी लागू करने पर इक समीक्षा बैठक दी प्रधानता कीती। बैठक दे दौरान अमित शाह होरें NCRB गी अंतर संचालन योग्य न्यास प्रणाली (ICJS) 2.0 च नमें आपराधिक कनूनें गी पूरी चाल्ली लागू करने दी सुविधा प्रदान करने आस्तै आखेआ। गृह मंत्री होरें एहू बी आखेआ जे पीड़ितें ते शिकायतकर्ताएं गी फायदा पुजाने आस्तै मामले दे पंजीकरण शा लेइयै निपटारे तकर सब्बनें अपराधिक मामलें आस्तै पैहले शा निर्धारित चरणें ते समें-सीमा पर अलर्ट जारी कीता जाना लोडचदा ऐ। उनें राज्यें च ई-एविडेंस ते ई-सम्मनें जनेहू अनुप्रयोगें दे इस्तेमाल पर बी जोर पाया।

<><><><><><>

National-Consumer Day

राश्ट्रीय उपभोक्ता दिवस दे मौके पर केंद्री उपभोक्ता मामलें दे मंत्री प्रहलाद जोशी होरें अज्ज वर्चुअल तौरा कन्नै ई-कामर्स प्लेटफार्में उप्पर गलत तरीके कन्नै लोकें गी बरगलाने कोला बचाने दे उद्देश्य कन्नै कई पैहलें दी शुरूआत कीती। इंदे च उपभोक्ताएं दी हिफाजत आस्ते जागो ग्राहक जागो ऐप, जागृति ऐप ते जागृति डैशबोर्ड शामिल ना। अपने स्नेह च प्रहलाद जोशी होरें उपभोक्ताएं दे अधिकारें दी सुरक्षा ते सशक्तिकरण दी सरकार दी बचनबद्धता गी दोहराया।

उनें आखेआ जे सरकार इक सुरक्षित, पारदर्शी ते भरोसेमंद बजार थाहर प्रदान करने आस्तै समर्पित ऐ। मंत्री होरें जोर देइयै आखेआ जे छड़ा इक्क मजबूत उपभोक्ता गै इक मजबूत राष्ट्र दी नींह रक्खी सकदा ऐ।

<><><><><><>

Tribal-Minister

जनजातीय समुदाय दे लोकें दे सशक्तिकरण बक्खी इक होर कार्रवाई दे रूपै च जनजातीय मामलें दे मंत्री जावेद अहमद राणा होरें पहाड़ी, गद्दा ब्राहमण, कोली ते पाडरी लोकें गी जनजातियें दी भलाई-बेहतरी आहिलयें स्कीमें हेठ आह्मने दे प्रस्ताव गी मंजूरी देई दिक्ती ऐ। मंत्री होरें अधिकारिएं गी आखेआ जे ओहू जम्मू-कश्मीर च जनजातीय अबादी दे समाजी, आर्थिक सशक्तिकरण लेई शुरू कीते गेदिएं पैहलकदमिएं च तेजी आह्मन। जनजातीय मैहकमा जनजातीय समुदायें दे लीडरें, गैर सरकारी संगठनं ते मकामी निकाएं कन्नै मिलिए जागरूकता अभियान चलाग तां जे मते-मते लोकें तगर इंदा फैयदा पुज्जी सकै।

<><><><><><>

Education Minister

शिक्षा ते समाज कल्याण मंत्री सकीना इत्तू होरें जम्मू-कश्मीर ते लद्दाख च समाजिक आर्थिक विकास गी बढावा देने आस्तै मते सहयोग दी लोड पर जोर दित्ता ऐ। खेत्तर दे पैहले महिला रोजगार पोर्टल WelFLO.in दे शुभारम्भ दे मौके पर मुख परौहने दे रूपा च बोलदे होई उनें सार्थक रोजगार दे मौके राहें महिलाएं गी सशक्त बनाने दी पैहल दी सराहना कीती। स्हाढे जम्मू जिले दे संवाददाता नै दस्सेआ ऐ जे M.I.E.T आसेआ विकसित इस पोर्टल दा उद्देश्य महिलाएं गी रोजगार बजारें कन्नै जोड़ना ऐ ते प्रतिमा ते मौकें दे बिच्च दी खाई गी भरना ऐ।

इस मौके पर डरैक्टर इंडस्ट्रीज़ एंड कामर्स अरूण मन्हास होरें बी इस कार्यक्रम च महिला सशक्तिकरण ते समृद्ध भविष्य आस्तै इस मंच दे महत्व पर लोऽ पाई।

<><><><><><>

Dy. CM Darbar

उपमुखमंत्री सुरिंद्र चौधरी होरें अज्ज राजौरी जिले दी नौशेरा तहसील दे धनाका ते लंगर थाहरें लोक दरबारें दा सरिस्ता कीता। इस मौके पर बोलदे होई उपमुखमंत्री होरें शहरी ते ग्रामीण इलाकें दे समग्र विकास लेई अपनी सरकार दी बचनबद्धता गी दोहराया। सुरिंद्र चौधरी होरें लोकें गी यकीन दुआंदे

होई आखेआ जे सड़कें दे संपर्क गी होक ग्रांऽ तोड़ी पुज्जेआ जाग। उपमुख्यमंत्री होरें जोर पांदे होई आखेआ जे योजनाएं गी बनाने आस्तै सामुदायिक भागीदारी होनी चाइदी। उनें अफसरें गी निर्देश दिंदे होई आखेआ जे फैसले लैने दी प्रक्रिया ग्राम सभाएं दी भागीदारी सुनिश्चित कीती जा तां जे विकास आहले कम्में गी सुचारू रूप कन्नै अमल च आहनेआ जाई सकै।

<><><><><><>

CS-TB Mukt

मुख्य सचिव अटल डुल्लू होरें प्रधानमंत्री टी.बी मुक्त भारत अभियान दे तैहत 2025 तगर भारत गी टी.बी कोला पूरी चाल्ली मुक्त बनाने बक्खी जारी जत्तें दी समीक्षा लेई सद्दी गेदी इक बैठक दी अध्यक्षता कीती जेदे च उनें मामलें दा पता लाने, जांच करने, संपर्क च आए दे लोकें दा पता लाने ते समें पर इलाज पर ध्यान देने पर जोर दित्ता। उनें आशा वर्करें, आप सहायता समूहें ते ग्रामीण संस्थानें दी मदद लैने लेई आखेआ। मीटिंग च दस्सेआ गेआ जे जम्मू-कश्मीर च निक्के ताप सवां प्रभावित अबादी दी गिनतरी कोई साङ्गे 11 ज्हार दे कोल काल ऐ ते कई जिले पैहलें गै टी.बी मुक्त घोषित करी दित्ते गेदे न।

<><><><><><>

Announcement

आकाशवाणी दा खेत्तरीय समाचार एकांश जम्मू 7 दिसंबर 2024 गी देश दे 347 जिलें च केंद्री सेहत ते परिवार कल्याण मंत्रालय आसेआ शुरू कीते गेदे टी.बी दी रोकथाम सरबंधी 100 रोजा अभियान उप्पर 30 मैटें दा इक्क विशेष कार्यक्रम प्रसारित करोग। एहू विशेष कार्यक्रम बुधवार 25 दिसंबर गी बडुलै साड्डे 9 बजे प्रसारित कीता जाग। इस कार्यक्रम दा उद्देश्य टी.बी दी बमारी दी रोकथाम, इलाज ते एहूदे शा बचाव बारै लोकें च जागरूकता पैदा करना ऐ। इस कार्यक्रम च प्रदेश टी.बी अधिकारी डॉ. ज्योति जॉली हुंदे कन्नै विशेष गल्लबात कीती गेई। इयै जनेह होर दुए महत्वपूर्ण जानकारीयें सरबंधी प्रसारण लेई एफ.एम 100 इशारिया 3 मैगाहर्टज़, 104 इशारियरा 5 मैगाहर्टज़ ते मीडियम wave 303 मीटर यानि 990 किलोहर्टज़ उप्पर आकाशवाणी समाचार ते कार्यक्रम सुनी सकदे हो ते rnujammu@gmail.com उप्पर स्हाड़े कन्नै अपनी प्रतिक्रिया सांझी करी सकदे हो। ते rnujammu@gmail.com उप्पर स्हाड़े कन्नै अपनी प्रतिक्रिया सांझी करी सकदे हो।



ADGP-Jammu

जम्मू दे ADGP आनंद जैन होरें नौजवानें अगगे अपील कीती ऐ जे ओहू नशाखोरी कोला दूर रेहियै राष्ट्र निर्माण च सकारात्मक योगदान देन। अज्ज जम्मू यूनिवर्सिटी च इंडिया यू.ए.ई मास्टर कप 2024 दे उद्घाटन समारोह दे बाहरें पत्रकारें कन्नै गल्ल करदे होई उनें आखेआ जे नशामुक्त समाज कुसै बी राष्ट्र दी तरक्की, विकास ते खुशहाली लेई जरूरी ऐ।



Dogri

जम्मू-कश्मीर कला, संस्कृति ते भाशा अकादमी आसेआ डोगरी मानता ध्याड़े दे सिलसिले च अज्ज के.एल सहगल हाल, राइटर्स क्लब जम्मू च इक रोजा साहित्यक ते सांस्कृतिक कार्यक्रम दा सरिस्ता कीता गेआ जेदे च खरी मती गिनतरी च भाशा ते साहित्य प्रेमिएं हिस्सा लैता। डोगरी दे मन्ने-परमन्ने दे लखारी ते साहित्यकार ओम स्वामी, डुग्गर मंच दे प्रधान मोहन सिंह सलाथिया, दर्शन दर्शी, जावेद राही ते होर ेकई हस्तिएं कार्यक्रम च शिरकत

कीती ते डोगरी दे इतिहास, 8में शडयूल च औने लेई संघर्श ते मजूदा दौर दिएं
उपलब्धिएं पर लो पाई। इस मौके डुगगर दी संस्कृति ते कला दा बी शानदार
नजारा दिक्खने गी लब्बा। वक्ताएं इस मौके अपने संबोधनै च आखेआ।

<><><><><><>

PM-MKB

प्रधानमंत्री नरेन्द्र मोदी अपने माह्वार रेडियो कार्यक्रम "मन की बात" दे राएं
औंदी 29 दिसम्बर गी देश-विदेश च रौहने आहले श्रोताएं कन्नै बचार सांझे
करडन। हर म्हीने दे अखीरले ऐतवारें दिनै 11 बजे प्रसारत होने आले इस
कार्यक्रम दी एहू 117मीं किश्त होग। कार्यक्रम च शामिल कराने लेई लोक अपने
बचार टोल फ्री नंबर 1800-11-7800 पर फोन करियै जां फही नरेन्द्र मोदी
ऐप पर बी इस म्हीने दी 27 तरीक तगर भेजी सकदे न। मन की बात दा
प्रसारण आकाशवाणी ते दूरदर्शन दे समूलचे नेटवर्क पर कीता जाहग। एह्दे
इलावा एहू प्रसारण आकाशवाणी खबरें दी वैबसाइट ते न्यूज़ ऑन ए.आई.आर
मोबाइल ऐप पर बी उपलब्ध होग। एह्दे कन्नो कन्नी आकाशवाणी समाचार,
डी.डी न्यूज़, प्रधानमंत्री हुंदे दफ्तर ते सूचना ते प्रसारण मंत्रालय दे यूट्यूब

चैनलें पर बी एहदी लाइव स्ट्रीमिंग उपलब्ध होग। आकाशवाणी परा मन की बात दे प्रसारण दे तुरत मगरा डोगरी च एहदा अनुवाद बी प्रसारण कीता जाहगा।

<><><><><><>

Weather

जम्मू-कश्मीर च अगले दऊं दिनें तगर बरखा जां कणी कनोद दे कोई असार नेई न। मौसम विभाग नै जानकारी दिती ऐ जे ओदे बाद 3 जरवरी तगर कश्मीर घाटी दे उप्परले प्हाड़ें हल्की बर्फबारी दे असार न। घाटी च रातीं दे तापमान च दना'क सुधार दिक्खने गी लब्बा ऐ-पर औदे त्र'ऊं दिनें च घटोघट्ट तापमान होर झिगड़ा जाई सकदा ऐ ते कश्मीर प्रांतै च जबरदस्त सीत लैहर जारी रौहगा। कश्मीर घाटी च स्याले बर्फबारी ते बड़ी मती ठंडू दे चलदे लोकें लेई जरूरी सुविधां ते प्रबंधें दी आपूं निगरानी करने लेई उमर अब्दुल्ला इनें दिनें उत्थें गै ठैहरे देन तां जे लोकें गी बिजली-पानी ते होर जरूरी चीजें दी दस्तयाबी यकीनी बनी सकै, टकोहदा करियै दूर-दरेडे इलाकें च। जम्मू प्रांतै च बी प्रशासन मती ठंडू ते बर्फबारी इलाके जिंदे चा चिनाब घाटी ते पीर पंजाल दे इलाके शामिल न, उत्थे बी जरूरी चीजें ते सेवाएं दी दस्तयाबी यकीनी बनाने लेई लोड़दे प्रबंध करा'रदा ऐ।

<><><><><><>